

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

**BÀALÓ KOANBÁLA TÁÁNLI
JÁGA DOAGIDIMA**

(PP-G N°012-2026)

Pengidiwende Silibeedi WEDIRAWOGO

Wagidugu, li binli 2026 cinaa dana 02

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cinaa dana 02, alaamuda daali
ki cili leeri 9 yogunu ki ban gbeni leeri 12 leni miniti 34,
Kapitenni Ibirayimi TARAWORE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A JÁGA

I.1. YAA KOANBADIEGU N DIIDI BU KPAABU, MI ÑIMA, LI YANWUBILI LENI MI ÑIMA NNI BONPIAKAALA TUONA KANI

A Koanbála Táanli taa **másienkàama tili yenli** yaali n goa ki pegidi ti yandi ñoagikuadi-dieciangu mabilikaama ban den taa yaama leni mi másienkàama tili li binli 2024 cinii dana 20 daali ke li lanba tie n°2024-0967/PRES/PM/MARAH/MEFP/MDICAPME.

Laa másienkàama tili táama baa teni ti yandi ñoagikuadi-dieciangu n baa yaa mabilikaama n dagidi lan todi li tuonli cenṅanli nani Bàaló tuonsoandiedi másienkàama tili yaali n den ñani li binli 2000 cimuu dana 17 daali ke li lanba tie n°2000-189/PRES/PM/MCIA n bili màama.

I.2. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

A Koanbála Táanli taa **másienkàama tili yenli** yaali n wááni a tantáancàga n baa bogini maama, yaaba n pundi ki kua a niini, a tuona leni an baa yaa cuoni maama.

Laa masienkaama tili bua ki tieni yaala n diani li bali maama tili nni ke li lanba tie n°011-2025/ALT, yaali ke bi den taa li binli 2025 cilele dana 17 ki puni u sànú ke niba baa fidi ki táani ki cilini tantaancagili. Mine masienkaama tili ñani yaa sanbila n baa todi bi paatieba n yaa gobidi ki go diidi Bulicina Faso tantáancàga, ki kubi u júógu leni a.

Laa sanbila ṅoadima baa pugini u juogu a tantáancàga leni bi paatieba siiga. Li go baa todi a tantáancàga tuona n yegi leni yaala n tie mi diema tilado, ki go teni mi tuginma n tieni a tantáancàga leni aya siiga, lan baa todi a tuona goadima n yaa faali.

Laa masienkàama tili nni yaala n tie boncànla nne :

Tinunga 4 tinunmu 19 siiga

- bi tiéni bogincanli yaali ya niinni ke bi baa cilini i tuonbuoli caga, desiyonba caga, mi diema cagiciama, desiyonba táána leni mi diema táána;
- ki ñani a sanbila yaa n baa todi li tuoncagili yaali n baa yaa gobidi ki go diidi Bulicina Faso tantáancàga, ki kubi u júógu leni a n yaa baadi li yuceli tuona ti.

Laa másienkàama tili táama baa teni ban yaa gobidi ki go diidi Bulicina Faso tantáancàga, ki kubi u júógu leni a.

I.3. YAA KOANBADIEGU N DIE U LOAGU LENI I LIGI KUBIMA TUONA KANI

A Koanbála Táanli taa **másienkàama tila taa (03)**.

Mi másienkàama tikpiali bolini i tiidi bonbulikaala tuonsoandieciangu ti diema nni.

Laa tuonsoandiegu pia mayucanli li bonbulikaala kubili po, li tienma po, ki pugini mu tinmu fààdima po. Ama laa tuonsoandiegu tuona leni ku yienu leni yaa tuonsoandiegu n die ti diema nni mi bancanma lingima leni mi tagima sani bandima tuona kpendinni mi galima a tuona nni.

I tiidi bonbulikaala tuonsoandieciangu ti diema nni bolinma bua ki pegidi ki ñanbi laa bonla, ki go yegi leni Gufenema n pia yaa politiko o tuonsoanjaana coali wadima po.

Laa másienkàama tili táama baa teni ban bolini i tiidi bonbulikaala tuonsoandieciangu ti diema nni, ki nan taa ku tuona tiama ki teni li bonbulikaala tuonsoanjaacianli.

Mi másienkàama tilieli puni u sànú ban yaa gààni li lubili ti diema jakoandicabili (darapo) po, yaala n tie caba leni tiatoadi yaadi n tie maalima po, ki pugini yaa tila n wááni ke nilo baa Bàaló jaandi bonlibà tienma po.

Laa másienkàama tili goa ki pegidi ban den kpa ñani yaa másienkàama tili li binli 2009 cipiiga dana 16 ke li lanba tie n°2009-723/PRES/PM/MEF/GC ki puni u sànú ban yaa gààni li lubili ti diema jakoandicabili (darapo) po, yaala n tie a cába leni tiatoadi yaadi n tie maalima po, ki pugini yaa tili n wááni ke nilo baa Bàaló jaandi bonlebili tienma po.

Li boncànla laa másienkaama tili nni tie li boncebinkaala dunga wadima, ke lan todi bi niba n fidi ki yaa baadi la ke li dingi. Yaala n pugidi tie li lubili gáama yaa tila n wááni ke niba baa Bàaló jaandi tileba tienma po.

Laa másienkàama tili táama baa teni Bàaló gaali tuonsoandieciangu n kuandi yaa ligi Bàaló ligikpagu nni n pugini.

Mi **másienkàama titaali** guáni ki pegidi ban den taa yaa másienkàama tili li binli 2013 piiga n cilo dana 11 ke li lanba tie n°2013-1053/PRES/PM/MATS/MEF ki cilini ti diema tuonjaali yaali n guu ki faami i làabáali tuonsoantiadi po.

Laa másienkàama tili bua ti diema tuonjaali yaali n guu ki faami i làabáali tuonsoantiadi po n táani leni yaa koanbadiegu n diidi enterineti, a tisoankàana tuonsoandiedi leni tankalafo tuona ki tua laa koabadiegu tuonsoanjaali.

Laa másienkàama tili taama baa teni ti diema tuonjaali yaali n guu ki faami i làabáali tuonsoantiadi po n baa i jiini Bàaló tuonsoanjaana siiga.

I.4. YAA KOANBÁDIEGU N DIE TI BUUDI TUONA KANI

A Koanbála Táanli tùó yaa **tiwaankaali** n tuugi leni ban tieni yaa miabu ki bua Bàaló n páa u sànú ban cili ti buudi koanbádiegu n gagidi ki pia yaa tuona ki baa soani li binli 2026 pò.

Laa tuongagidikaana baa teni ti buudi tuonsoandiedi coali n pugini lan todi ti buudi tuonsoanba n bàà ki yaa tuuni bi tuona ke li dagidi. Yaa tuona n baa soani

yeni gó baa teni Bàaló tuonsoandiedi n den lùóní naankani kúli kelima mi yàndùànma ki yema pò a tuona n gúánì ki cili, lan teni mi diema n bàà ki gúánì ki dieri mi tinbuona kúli.

Yaa tuona n baa soani tié :

- ti tiayiekaadi daama a kpaada guuda tuonsoandieciangu pò;
- Bogande leni Tugan Bubuudidiedi ñanbima tuona soanma.

Laa tuona ligi táanma fii **miliyaari yendo leni miliyonba kobiga n piilie n yendo n tudapiilie (K 1 121 020 000) Seefa ligi nni.** Laa ligi baa ña Bàaló ligikpagu nni, li binli 2026 tuona soanma pò.

I.5. YAA KOANBÁDIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

A Koanbála Táanli tàà **másienkaama tili yenli** ki dini niyendo li báli ke o túà enterineti làabáalitenma tuonbuoli càgìli (SEESI) yúà.

Laa **másienkaama tili táama** teni ke bi dini li báli o joa Abu-Bakari **TARAWORE**, o lanba li tuonli nni tié **248 050 Y**, o tié enterineti làabáalitenma tuona bando, ke o túà enterineti làabáalitenma tuonbuoli càgìli (SEESI) yúà, ku diegu yema leni toriyaba koanbádiegu kani, o cicibáli pò bina taa (03).

I.6. YAA KOANBÁDIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbála Táanli tàà **másienkaama tila lie (02).**

Mi másienkaama tikpiali gúánì ki pegidi yaa **másienkaama tili lanba** n tié n°94-391/PRES/MICM/EAU, ban den taa yaali li binli 1994, piiga n cilo dana 02 ki teni ke mi diema nni, mi ñima leni i ñinbonfuodi yiani bolinma tuonsoancàgìli (ONEYA) túà Bàaló tuonsoancàgìli.

Tinunga 7 tinunmu 19 siiga

Hali li binli 1994, ONEYA n túà Bàaló tuonsoancàgìli, li tuonli den tié ki yaa púúni i dociami leni a dobila mi ñinñanma ki gó teni laa dogi nni i ñinbonfuodi yiani n bodi. Meerinba leni boncelidanba n den die laa tuona a dojaana nni ke lipo teni ke mi ñima dunga metiri kiibi yabi boncianla.

Yaala n tié Pílan RELANCE 2026 ki gedi 2030 tuona pò, Gufenema táa li jágìli ki baa teni miñinñanma n pundi mi diema dojaana nni kúli leni yaa dunga n mani.

Ki bàà ki soani laa tuona, li tié tilade ban gúánì ki pegidi yaa másienkaama tili n den teni ke mi diema nni, mi ñima leni i ñinbonfuodi yiani bolinma tuonsoancàgìli (ONEYA) túà Bàaló tuonsoancàgìli, ki ji teni ONEYA bebe n yaa die mi ñinñanma tuona i dociami leni a dojaana nni.

Mine másienkaama tili táama baa teni mi diema nni, mi ñima leni i ñinbonfuodi yiani bolinma tuonsoancàgìli n bàà ki yaa gobidi mi ñinñanma leni i ñinbonfuodi bolinma tuona ke li dagidi mi diema tingbanu kúli nni.

Mi másienkaama tilieli gúánì ki pegidi yaa másienkaama tili lanba n tié n°2024-0710/PRES/PM/MDICAPME/MARAH/MEFP, ban den táa yaali li binli 2024, ciluoba dana 26 ki cilini Bàaló tuonsoancàgìli yenli, ban yi yaali u yanñoagu kùàdima tuonsoandieciangu.

Ki baa ki teni u yanñoagu n dá lúó lan tié yaa yogunu kúli, bi súa ke li tié tilade ban gúánì ki bogini u yanñoagu kùàdima tuonsoandieciangu (KAMIVETI), ki teni laa tuonsoandiegu n fidi ki yaa tagi kubà u yanñoagu.

Ki bàà ki gúánì ki bogini laa tuonsoandiegu, li tie tilade ban gúánì ki pegidi yaa másienkaama tili n den cilini KAMIVETI yenli lan teni laa tuonsoandieu n yaa tagi, ki bilidi ki go kúádi u yanñoagu mi diema nni.

Li boncànla yàala n tugi yùli mine másienkaama tili nni tié :

- Laa tuonsoancàgìli yaali n bi yi u yanñoagu kùàdima tionsoandieciangu, yèli lebidi ki ji yi « **u yanñoagu gedinma ti yandi buuma logitodiedi nni tuonsoandieciangu** »;
- KAMIVETI tuonli yaali n bi tié ki yaa kúádi u yanñoagu bebe, pugini moala li tuonli ki baa yaa tági u yanñoagu.

Mine másienkaama tili táama baa teni ban cili mi diema nni u yanñoagu tenma tuonsoandieciangu ke ku tié Bàaló tuonsoancàgìli yaali n die u yanñoagu tagima leni u gedinma ti yandi buuma logitodiedi nni li yanwubili tuona ñamu pò.

I.7. YAA KOANBÁDIEGU N DIE A BONWAALA CÓGÚ, TI MÁÁMAAMÁÁMA CÓGÚ LENI TI DIEMA MÁBUOLI FINDIMA TUONA KANI

A Koanbála Táanli tùò yaa **tiwaankaali** n tuugi leni ban tieni yaa miabu ki bua Bàaló n paa u sànú ban cili MEBAPELENI koanbádiegu n gagidi ki pia yaa tuona ki baa soani li binli 2026 pò.

Laa tuongagidikaana bua ki teni ku koanbádiegu MEBAPELENI n bàà tonma a cógidiena leni a cógibila pò ti tuonsoantiadi leni mi jiema nani :

- ki teni cógibiga kúli n bàà ti cógibitiadi waamu;
- ki teni a cógidiena n bàà u cógú tila ;
- ki teni a cógidiena n bàà a cógibila jiema.

Laa tuongagidikaana soanma ligi táanma fii **miliyarinba piilie n bitaa leni miliyonba kobiga n piyyia n yendo n tudataa n piilele n kuumú lele leni falinninba naa (K 23 191 003 77, 4) Seefa ligi nni**. Laa ligi baa ña Bàaló ligikpagu nni li binli 2026 tuona soanma pò.

II. I LÀABÁALITENKE

II. Li laafiali koanbáli wááni a Koanbála Táanli yaa càgìli n gobidi mi diema nni i yiani buuma tuona (ASESIPE) n bogini màamà ki baa pàà a logitola a tuontiana soanma pò ligi.

Hali ASESIPE càgìli n cili li tuona, li bààdi yogunu kúli a pàka yàala n tié a logitola tuontianma panpani pò ke li pundi moala laa ligi n moandi ki pàá. Li binli 2025 juodima laa li ligi den tié **miliyarinba piita n bimuu leni miliyonba kobinaa n piilie n bitaa n tuda kobiga n piiga n tudanii n kobilele n piilie n kuumú naa (K 35 423 118 724) Seefa ligi nni.**

Gufenema taa a jága ki baa gbeni laa ligi páma pàka. Yaa jága n taa, a tiama nne:

- ki pàá a logitola n baa gáa yaa ligi a yiama guudima tuona pò li binli 2026 cinaa nmaalo nni, ki táani leni yaa ligi n pugidi ki ban tuoni li binli 2026, cipiiga nmaalo juodima;
- ki pàá a logitola n baa gáa yaa ligi a yiama guudima tuona pò nan lan bogini ki diani màamà a masina nni ki cili li binli 2026 cinaa nmaalo nni;
- ki pugini a yiana guudima leni a logitola tuona goandima ti logitodiedi nni;
- ki kaani yaa càgìli n baa yaa diidi ti koanbádiedi nni bi tuonsoanba tuona ligi páma n pò ki dá màamà.

Laa ligi páma baa todi a logitola bi yema njamu pò ki gó teni ban fidi ki yaa buu bi niba ke li dagidi.

III. BAN DINI YAABA A BÁLA

III.1. BAN DINI YAABA A BÁLA YENDIYENDO TUONA NNI

A. KU CICIKOANBÁDIEGU

- O joa Gesiwendé Mariki **WEDIRAWOGO**, o lanba li tuonli nni tie **207 366 V**, o tié li diémááli leni i dociami tuona bando, bi dini o li báli ke o túà tundikoa mi tinfanma tuona diidima nni ;
- O joa Ayimari Serisi Emériki **BANSANBAYIDA**, o tié **Minteeligbeeli** bi dini o li báli ke o túà, mi diema nni yaa càgili n diidi ti jakoantiadi tuona Yudaano.

B. YAA KOANBÁDIEGU N DIE U LOAGU LENI I LIGI KUBIMA TUONA.

- O joa Umalu **SONGO**, o lanba li tuonli nni tie **119 340 H**, o tié Bàaló ligi tuonsoandiedi tuona gobidikoa, bi dini o li báli ke o túà ti biadi sancenli ligi páma kubima (peyaasinba) tuonsoancagili (ASEPE) ligikubili tuona Yudaano.

C. LI GUUNLI KOANBÁDIEGU

- O joa Haluuna **BELEMI**, o lanba li tuonli nni tie **322 790 B**, o tié Polisi komiseeri, bi dini o li báli ke o túà Banmi porovenso nni polisinba tuona Yudaano ;
- O joa Rayanñéwendé **KABIRE**, o lanba li tuonli nni tie **101 495 R**, o tié Polisi komiseeri , bi dini o li báli ke o túà Buguriba porovenso nni polisinba tuona Yudaano ;
- O joa Mussa **DIENI**, o lanba li tuonli nni tie **308 644 V**, o tié Polisi komiseeri, bi dini o li báli ke o túà Kénédugu porovenso nni polisinba tuona Yudaano ;
- O joa Mohamedi **SAWADOGO**, o lanba li tuonli nni tie **308 631 A**, o tié Polisi komiseeri, bi dini o li báli ke o túà Konmoanjaali porovenso nni polisinba tuona Yudaano ;

- O joa Bukali **NANA**, o lanba li tuonli nni tie **308 638 T**, o tié Polisi komiseeri, bi dini o li báli ke o túà Nunbieli porovenso nni polisinba tuona Yudaano ;
- O joa Dawuda **SAWADOGO**, o lanba li tuonli nni tie **308 740 M**, o tié Polisi komiseeri, bi dini o li báli ke o túà Udalan porovenso nni polisinba tuona Yudaano ;
- O joa Mawuibadan Patirisi **NEBIE**, o lanba li tuonli nni tie **283 354 G**, o tié Polisi komiseeri, bi dini o li báli ke o túà Pasoré porovenso nni polisinba tuona Yudaano ;
- O joa Nufu **BELEMI**, o lanba li tuonli nni tie **112 148 W**, o tié Polisi komiseeri, bi dini o li báli ke o túà Sisili porovenso nni polisinba tuona Yudaano ;
- O joa Domecilenyuru Pasikali Sisilen **SOME**, o lanba li tuonli nni tie **283 341 M**, o tié Polisi komiseeri, bi dini o li báli ke o túà Yatenga porovenso nni polisinba tuona Yudaano ;
- O joa Lisien **WAWONGO**, o lanba li tuonli nni tie **101 329 E**, o tié Polisi komiseeri, bi dini o li báli ke o túà o Taapua porovenso nni polisinba tuona Yudaano ;

D. YAA KOANBÁDIEGU N DIE TI DIEMA LENI DIETOAMA SIIGA NANTAADI

O joa Kunbeyawole Firansisi **HIEN**, o lanba li tuonli nni tie **59 733 Z**, o tié diema leni dietoama siiga nantaadi tuona tundikoa, bi dini o li báli ke o túà mi diema tondo dietoama nni tuonsoanbanma tundikoa.

E. KU DIEGU YEMA LENI TORIYABA KOANBÁDIEGU

- O joa Gayétan **GOLU**, o lanba li tuonli nni tie **116 730 K**, o tié Koanbádiegu tuonsoandiedi gobidikoa, bi dini o li báli ke o túà Namantenga porovenso nni ku diegu yema leni toriyaba tuona Yudaano;

- O pua Asétu **DIALO**, o lanba li tuonli nni tie **218 470 S**, o tié Koanbádiegu tuonsoandiedi gobidikoa, bi dini o li báli ke o túà Nayala porovenso nni ku diegu yema leni toriyaba tuona Yudaano ;
- O joa Siaka Andiré **BILEÑE**, o lanba li tuonli nni tie **205 406 R**, o tié Koanbádiegu tuonsoandiedi gobidikoa, bi dini o li báli ke o túà Nunbieli porovenso nni ku diegu yema leni toriyaba tuona Yudaano;
- O joa Dawuda **DERA**, o lanba li tuonli nni tie **218 385 U**, o tié yaa cógú n ye celi cogidiena tuona goandikoa, bi dini o li báli ke o túà Pasoré porovenso nni ku diegu yema leni toriyaba tuona Yudaano ;
- O joa Wendenkonté Noweli **KONKOBO**, o lanba li tuonli nni tie **81 994 S**, o tié yaa cógú n ye celi cogidiena tuona goandikoa, bi dini o li báli ke o túà Konmoanjaali porovenso nni ku diegu yema leni toriyaba tuona Yudaano ;
- O joa Tierima Emanuweli **SOME**, o lanba li tuonli nni tie **116 707 L**, o tié Koanbádiegu tuonsoandiedi gobidikoa, bi dini o li báli ke o túà Séno porovenso nni ku diegu yema leni toriyaba tuona Yudaano ;
- O joa Mintebidenda **KABORE**, o lanba li tuonli nni tie **261 361 H**, o tié Koanbádiegu tuonsoandiedi gobidikoa, bi dini o li báli ke o túà Sisili porovenso nni ku diegu yema leni toriyaba tuona Yudaano;
- O joa Tidiani **SAWADOGO**, o lanba li tuonli nni tie **105 339 L**, o tié yaa tuonsoanba n moa ke paadima n da ye joa leni pua siiga tundikoa, bi dini o li báli ke o túà Yaga porovenso nni ku diegu yema leni toriyaba tuona Yudaano;
- O joa Eriman **DABIRA**, o lanba li tuonli nni tie **205 416 B**, o tié Koanbádiegu tuonsoandiedi gobidikoa, bi dini o li báli ke o túà Sundiwewogo porovenso nni ku diegu yema leni toriyaba tuona Yudaano;
- O joa Wendilasida Romen **KONSEYINBO**, o lanba li tuonli nni tie **208 439 H**, o tié yaa cógú n ye celi cogidiena tuona goandikoa, bi dini o li báli ke o túà Siro porovenso nni ku diegu yema leni toriyaba tuona Yudaano.

Tinunga 15 tinunmu 19 siiga

**F. YAA KOANBÁDIEGU N DIE A COGIBIGBENGA CÓGÚ LENI
MI BANCÀNMA LINGINMA TUONA**

- O joa FusénI **KONATE**, o lanba li tuonli nni tie **304 118 W**, o tié a tinbuona tuona gobidikoa, bi dini o li báli ke o túà yaa càgìli n guu i tiidi, ti yandi buoli leni mi gàànilindima Tidianyudaano;
- O joa Tijitayè **SAPIRE**, o lanba li tuonli nni tie **112 455 K**, o tié Bàaló ligi tuonsoandiedi tuona gobidikoa, bi dini o li báli ke o túà u cógú leni mi bancànma lingima tuona todima ligicàgìli (FOSERI) Bângri bawoobo ligikubili tuona Yudaano.

III.2. BAN DINI YAABA A BÁLA A TUONSOANJÀANA YÈLI PÒ

A Koanbála Táanli den baa ban dini yaaba a bála a tuonjaana tuona boginma pò:

- mi diema nni, bi naakpakpaaba bangima cogidieli Maturuku pò (ENAFa yaa koanbádiegu n diidi bu kpaabu, mi ñima, li yanwubili leni mi ñima nni bonpiakàala tuona yèli nni ;
- yaa cogidiecianli n cogindi bi niba guunli cógú, yaa koanbádiegu n die mi diema tinbuona gobidima leni a sancena tuona yèli nni;
- Bulicina diema nni tiatia jeligu tuonsoanjaali (LONABE), yaa koanbádiegu n die u loagu leni i ligi kubima tuona yèli nni.

A Koanbála Táanli gó den súágí ki dini li báli niyendo ke o túà Bulicina diema nni tiatia jeligu tuonsoanjaali (LONABE) tuona boginma càgìli Yudaano.

**A. YAA KOANBÁDIEGU N DIIDI BU KPAABU, MI ÑIMA, LI
YANWUBILI LENI MI ÑIMA NNI BONPIAKAALA TUONA**

A Koanbála Táanli taa **másienkààma tili yenli** ki dini li báli o joa Kalifa **KULIBÁLI**, o lanba li tuonli nni tie **245 814 Y**, o tié a táana Gobidikoa iniverisité kani, o túà mi diema nni, bi naakpakpaaba bangima cogidieli Maturuku pò (ENAFa) tuona boginma càgili Gobidikoa, Bàalo yeli po yaa koanbádiegu n die a cogibigbenga cógú leni mi bancànma linginma tuona yèli nni, o cici báli pò bina taa (03, ki tua o joa Vensan DAWO lebidu.

**B. YAA KOANBÁDIEGU N DIE MI DIEMA TINBUONA GOBIDIMA
LENI A SANCENA TUONA**

A Koanbála Táanli taa **másienkààma tili yenli** ki goa ki pandi o joa Sidinoma Firansisi Abiduli Rasidi **WEDIRAWOGO** báli, o tié Minteeligbeeli, o túà yaa cogidiecianli n cogindi bi niba guunli cógú tuona boginma càgili Gobidikoa, u cógú canbáanba yèli po, o bájuodikaali pò bina taa (03).

**C. YAA KOANBÁDIEGU N DIE U LOAGU LENI I LIGI KUBIMA
TUONA.**

A Koanbála Táanli taa **másienkààma tila taa (03).**

Mi másienkààma tikpiali dini li báli yaa niba yaa yèla n ñua ne ke bi túà Bulicina diema nni tiatia jeligu tuonsoanjaali (LONABE) tuona boginma càgili Gobidikaaba Bàalo yèli po, bi cici báli pò bina taa (03).

Yaa koanbádiegu n die u loagu leni i ligi kubima tuona kani:

- O joa Magisinmi **KONPAWORE**, o lanba li tuonli nni tie **49 067 N**, o tié Bàaló ligi tuonsoandiedi tuona gobidikoa;
- O pua Bêlooripuo Diani **DABIRE**, o lanba li tuonli nni tie **104 268 K**, o tié Bàaló ligi tuonsoandiedi tuona gobidikoa;
- O joa Abidulayi **SENU**, o lanba li tuonli nni tie **96 929 M**, o tié li lubili tuona Goandikoa.

Yaa koanbádiegu n die mi tagima tuonsoandiedi, u kpendu leni u nuu tuonsoanbanma tuona kani :

- O joa Karimu **WATARA**, o lanba li tuonli nni tie **117 067 L**, o tié u loagu tuona tundikoa.

Mi másienkààma tilieli goa ki pandi **KONPAWORE** púa Rosali **NARE** báli, o lanba li tuonli nni tie **111 327 D**, o tié u loagu tuona tundikoa, o túà Bulicina diema nni tiatia jeligu tuonsoanjaali (LONABE) tuona boginma càgili Gobidikoa, Bàalo yèli po, o bájuodikaali pò bina taa (03).

Mi másienkààma titaali dini li báli o joa Magisinmi **KONPAWORE**, o lanba li tuonli nni tie **49 067 N**, o tié Bàaló ligi tuonsoandiedi tuona gobidikoa, o túà Bulicina Faso nni tiatia jeligu tuonsoanjaali (LONABE) tuona boginma càgili Yudaano, o cici báli pò bina taa (03).



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima

Tinunga **19** tinunmu **19** siiga